

樂經律呂通解

樂經律呂通解卷之二

婺源汪烜輯

律呂新書上

律呂新書者有宋蔡西山先生之所著也。書分上下二卷。上卷凡十三章。

下卷凡十章。共二十三章。先生名元定字季通號西山建陽人朱子之門人也。朱子曰季通律書法度甚精。近世諸儒皆萬不能及。又曰季通律書分明是好。卻不是臆說。自有按據。又曰季通理會樂律。大段有心力。看得許多書。黃氏瑞節曰此書蓋朱蔡師弟子相與成之者。朱子與西山書云。但用古書古語。或注疏。而以己意附其下。方甚簡約。而極周盡。學者一覽可得梗槩。其他推說之泛濫。旁正之異同。勿盡載也。書內繫西山本註。則附論。則比本文低一字。以附章節之後。

律呂本原

凡十  
三章

黃鐘第一

以漢志解  
銘文定

長九寸。空圍九分。積八百一十分。

按天地之數。始於一。終於十。其一三五七九爲陽。九者陽之成也。其二四六八十爲陰。十者陰之成也。黃鐘者陽聲之始。陽氣之動也。故其數九分。寸之數。具於聲氣之元。不可得而見。及斷竹爲管。吹之而聲和。候之而氣應。而後數始形焉。均其長。得

九寸審其圍得九分

此章凡言分者皆十分寸之一

積其實得八

百一十分長九寸圍九分積八百一十分是爲律

本度量權衡於是而受法十一律由是而損益焉

算法置入百一十分分作九重每重得九分圓田術三分益一得一十二以開方除之得三分四釐六毫強爲實徑之數不盡二毫入絲四忽今求圓積之數以徑三分四釐六毫自相乘得十一分九釐七毫一絲六忽加以開方不盡之數二毫八絲四忽得一十二分以管長九十分乘之得一千八十分爲方積之數四分取三爲圓積得八百一十分

朱子曰本原第一章圍徑之數此是最大節目不可草草又曰古人只說空圍九分不說徑三

分。蓋不啻三分。猶有奇也。○魯齋彭氏曰。黃鐘律管有周有徑。有面。有空。內積。有從長。如史記論從長。律歷志論從長。及積。東漢鄭氏注月令論。羣東漢蔡氏月令章句。論從長。皆不易之論。獨周徑之說。漢以前俱無明文。漢律歷志開端未竟。東漢蔡氏始創爲徑三分之說。晉孟康以後諸儒。續圓徑三分。圍九分之說。宋胡氏蔡氏又爲徑三分。四釐六毫。圍十分三釐八毫之說。然考之古方圖。周徑羣積。率皆未有合者。依東漢蔡氏所言。徑三分。以九章少廣內祖氏密率乘除。止得空圍內面。羣七分口七毫口六忽二五。乃少一分九釐二毫九秒三忽七五。空圍內積。實止得六百三十六分三釐五毫六秒二忽五。乃少一百七十三分六釐四毫三秒七忽五。如此則黃鐘之管。毋乃太狹。蓋黃鐘空積忽微。若徑內差一忽。卽面羣及積所差忽數甚

多。此東漢蔡氏之說。所以不合也。晉孟氏諸儒  
言徑三分。圍九分。又用徑一。圍三之法。雖是古  
率。然古人大約以此圍田。若以密率推之。徑一  
則圍三。有奇。假如徑七。則圍當二十有二。今依  
孟氏所言。徑三分。則圍當九分四釐二毫一秒  
強。不但止於九分也。若依九分。圍長之數。則徑  
當止二分八釐六毫二秒六忽強。又不及三分  
也。此晉孟氏之說。所以不合也。宋胡氏不主徑  
三。圍九之說。大意疑其管狹耳。然所言徑三分  
四釐六毫。圍長十分三釐八毫。亦用徑一。圍三  
之率。若依所言三分四釐六毫之徑。當得圍長  
十分八釐七毫六秒二忽強。不但止十分三釐  
八毫也。若依十分三釐八毫。圍長之數。則徑止  
得三分三釐強。又不及三分四釐六毫也。此宋  
胡氏之說。所以不合也。蔡西山說。徑圍分數。與  
胡氏同。而算法用圓田術三分益一。得一十二

樂經律呂通解

卷二

律呂新書上

三

開方除之求徑又以徑相乘以管長乘之用三分益一四分退一之法求羃積今姑依其說以九方分平置又三分益一以三方分分割置於九方分之外如此共積十二方分其縱橫可得三分四釐六毫強不盡二毫八絲四忽的如蔡氏之說但依此徑以密率相乘則空圍內面羃不但只得九方分乃得九方分零四十釐六十毫五十七秒乃得八百四十六分五百四十五釐一百四十二秒六分忽奇如此則黃鐘之管毋乃太大方所當退者又不及四分一以此知三分圓外一方所當退者又不及四分一以此知三分圓益一四分退一乃虛加實退算家大約之法此西山之說所以又不能以盡合也今欲求黃鐘律管從長周徑羃積的實定數者須依西山多截管候氣之說又以祖氏冲之密率乘除方可

蓋祖沖之乃古今算家之最。而西山多截管候氣之說。實得造律本原。其說有前人所未發者。今宜依此說。先多截竹。以擬黃鐘之管。或短或長。長短之內。每差纖微。各爲一管。悉以此管埋地中。俟冬至時驗之。若諸管之中。有氣應者。卽取其管而計之。知此管合於造化自然。非人力可爲。卽以此管定作九寸。寸作九分。分作九釐。釐作九毫。毫作九秒。秒作九忽。以合八十一終天之數。及元氣運行自子至亥。得十七萬七千一百四十七之數。凡用此管三分損益。上下相生。由此又取此管九寸。寸作十分。分作十釐。釐作十毫。毫作十秒。秒作十忽。以合天地五位終於十之數。乃以十乘八十一。得八百一十分。以八百一十分分配九十分管。知此管長九十分。空圍中容九十分。空圍中容八百一十分。卽十分管長。空圍中容九分。凡求度量衡由



此乃以此管面空圍中所容九分。以平分羈法推之。知一分有百釐。釐有百毫。毫有百秒。秒有百忽。積而計之。一平方分。通有面羈一萬萬忽。九平方分。通有面羈九萬萬忽。乃以此九萬萬忽。依算經少廣章所載宋祖冲之密率乘除。得圓周長的計十分六釐三毫六秒八忽。萬分忽之六千三百一十二。又以圓周求徑。計三分三釐八毫四秒四忽。萬分忽之五千六百四十五。又以半徑半周相乘。仍得九萬萬忽。內一忽弱。通得面羈九平方分也。既以周徑相乘。復得面羈如此。則黃鐘之廣與長及空圍內積實。皆可計矣。故面羈計九方分。深一分。管則空圍內當有九立方分。深九十分。管計九寸。則空圍內當有八百一十立方分。此則黃鐘一管之實。其數與天地造化無不相合。此算法所以成也。算法既成之後。或以竹。或以銅。別爲之。依其長。各作

八十一分。以爲十二律相生之法。又依其長作  
 九十分。乃取九十分之分。計三分三釐八毫四  
 秒四忽。萬分忽之五千六百四十五。以合孔徑  
 如此。則圓長面羃。與夫空圍內積。自然無不諧  
 會。特徑數自八毫以下。非可細分。而算法積秒  
 忽。不容不然也。○恒按所謂八十一分者。因九  
 爲數也。因九爲數。則其分當是九分寸之一矣。  
 八百一十分。則以十數也。夫九分寸之一者。其  
 分當盈於十分寸之一者。一釐以強。二者似不  
 相合。而以十乘八十一。予向疑之。然以考之。漢  
 斛之銘。則黃鐘之龠。實積八百一十立方分。又  
 無可疑者。意者包於外者。用九。天之運也。實其  
 中者。用十。法地之藏。亦造化自然之理與。黃鐘  
 空爲九方分。西山之說。不可易矣。周徑之率失  
 之不密。則算法未精也。噫。以西山之學。博心細  
 而猶不能無失。况後人不通算學。不習聲音。而

可苟然以師  
心自用與

黃鐘之實第二

以淮南子漢前志定其寸分釐毫絲之法則以太史律書

生鐘  
分定

子一

黃鐘之律

丑三

爲絲法

寅九

爲寸數

卯二十七

爲毫法

辰八十一

爲分數

巳二百四十三

爲釐法

午七百二十九

爲釐數

未二千一百八十七

爲分法

申六千五百六十一

爲毫數

酉一萬九千六百八十三

爲寸法

戌五萬九千口口四十九

爲絲數

亥一十七萬七千一百四十七

黃鐘之實

按黃鐘九寸。以三分爲損益。故以三應十二辰得

一十七萬七千一百四十七爲黃鐘之實其十二

辰所得之數在子寅辰午申戌六陽辰爲黃鐘寸

分釐毫絲之數

子爲黃鐘之律寅爲九寸辰爲八寸

六千五百六十一毫戌爲五萬九千口口四十九絲。按此謂寸分毫釐絲皆以九爲數。故子律寅鐘以寸言之卽九寸也以分言之則八十一分也以釐言之則七百二十九釐也以毫言之則六千五百六十一毫也以絲言之則五萬九千口口四十九絲也。若更以忽計之則當有五十三萬一千四百四十一忽而寸分釐毫絲之數則見於寅辰午申戌五陽辰矣

在亥酉未巳卯

丑六陰辰爲黃鐘寸分釐毫絲之法

亥爲黃鐘之實酉之一萬

九千六百八十三爲寸。未之二千一百八十七爲分。已之二百四十三爲釐。卯之二十七爲毫。丑之三爲絲。○三其寸分釐毫絲之法皆用九數。故九約之法見下。其寸分釐毫絲之法皆用九數。故九絲爲毫。九毫爲釐。九釐爲分。九分爲寸。九寸爲黃鐘。蓋黃鐘之實一十七萬七千一百四十七之數。以三約之爲絲者五萬九千口口四十九。以二十七約之爲毫者六千五百六十一。以二百四十三約之爲釐者七百二十九。以二千一百八十七約之爲分者八十一。以一萬九千六百八十三約之

爲寸者九由是三分損益以生十一律焉。

按約之之字皆指黃鐘之實一十七萬七千一百四十七之數而言也。約之者合其數也。每合三以爲一也。以忽數言則五十三萬一千四百四十一忽。三約之爲黃鐘之實是亥卽忽法也。此寸分釐毫絲之法之寓於亥酉未巳卯丑六陰辰也。

或曰徑圍之分以十爲法而相生之分釐毫絲以九爲法何也曰以十爲法者天地之全數也以九爲法者因三分損益而立也全數者卽十而取九相生者約十而爲九卽十而取九者體之所以立

約十而爲九者用之所以行體者所以定中聲用者所以生十一律也

或問算到十七萬有餘之數當何用朱子曰以定管之長

短而出是聲大抵考究其法是如此

按此章大數迭以三乘故三其一而爲三三其三而爲九三其九爲二十七三其二十七爲八十一三其八十一爲二百四十三三其二百四十三爲七百二十九三其七百二十九爲二千一百八十七三其二千一百八十七爲六千五百六十一三其六千五百六十一爲一萬九千六百八十三三其一萬九千六百八十三爲五萬九千九百四十九三其五萬九千九百四十九爲一十七萬七千一百四十七是爲三歷十二辰至亥而數無可行矣故止於亥而以爲黃



鐘之實也。其曰寸分釐毫絲之數。卽黃鐘之寸數分數釐數毫數也。其曰寸分釐毫絲之法。亦黃鐘之法也。其紀數雖用十。而其寸分釐毫絲之積。則以九也。然則卽十而取九。立體卽以涵用。約十而爲九。致用以各成其體。體用之一源也。蓋數非耦不立。非奇不行。如河圖十數。而其體則圓。洛書九數。而其體則方。然大衍之用虛其一。則仍九也。洛書而虛其五。則又莫非十也。天地之數。成變化而行鬼神。其妙皆大抵不出此與。

黃鐘生十一律第三

本太史律書生鐘分

子一分

十七萬七千一百四十七之全數

一爲九寸

九分爲一寸

丑三分二

三分黃鐘之實而丑得其二也  
子陽丑陰凡陽下生陰數以倍

一爲三寸

子九寸而丑三分之是每一分爲三寸也  
其所得三分之二卽六寸也

寅九分八

九分黃鐘之實而寅得其八也  
丑陰寅陽凡陰上生陽數以四

一爲一寸

子九寸。寅九分之。是每一分卽一寸也。其所得九分之八。卽八寸也。

卯二十七分十六

寅下生卯。二十七分黃鐘之實。而卯得其十六也。

三爲一寸 一爲三分

三爲一寸。九三二十七。卽九寸。九分爲寸。每寸而三分之。是每分得三分也。卯得二十七分之十六。卽五寸有三分矣。

辰八十一分六十四

卯上生辰八十二分黃鐘之實。而辰得其六十四也。

九爲一寸 一爲一分

九爲一寸八十一分。卽九寸。而每分實得一分也。辰得八十一分之六十四。卽七寸有一分也。

巳二百四十三分一百二十八

辰下生巳二百四十三分黃鐘之實。而已得其一百二十八也。

二十七爲一寸 三爲一分 一爲三釐

三爲一分三九二十七。卽九分爲寸也。九釐爲分。每分而三分之。是一爲三釐也。巳得二百四十三分之一百二十八。卽四寸有六分有六釐也。

午七百二十九分五百一十二

已上生午七百二十九分黃鐘之實。而午得其五百一十二也

八十一爲一寸 九爲一分 一爲一釐

九釐爲分。九九八十一分爲寸。午得七百二十九分之五百一十二。卽六寸有二分有八釐也

未二千一百八十七分一千二十四

午下生未二千一百八十七分黃鐘之實。而未得其一千零二十四也

二百四十三爲一寸 二十七爲一分

三爲一釐 一爲三毫

三爲一釐三九二十七。則九釐爲分也。一釐而三分之。則每一分爲三毫。未得二千一百八十七分之二千零二十四。爲四十一分八釐三毛。倍之則八寸三分七釐六毫。

申六千五百六十一分四千九十六

未上生申六千五百六十一分黃鐘之實而申得其四千零九十六也

七百二十九爲一寸 八十一爲一分

九爲一釐 一爲一毫

九毫爲釐。九九八十一毫爲分。申得六千五百六十一分之四千零九十六。爲五寸有五分有五釐有

酉一萬九千六百八十三分八千一百九十二

申下生酉一萬九千六百八十三分黃鐘之實而酉得其八千一百九十二分也

二千一百八十七爲一寸 二百四十三爲一分

二十七爲一釐 三爲一毫 一爲三絲

一爲三絲三三九絲爲毫三九二十七毫爲釐酉得一萬九千六百八十三分之八千一百九十二爲三寸六分六釐三毫六絲倍之則七寸四分三釐七毫三絲

戌五萬九千四十九分三萬二千七百六十八

酉上生戌五萬九千零四十九分黃鐘之實而戌得其三萬二千七百六十八也

六千五百六十一爲寸 七百二十九爲分

八十一爲釐 九爲一毫 一爲一絲

九絲爲毫。九九八十一絲爲釐。戊得五萬九千零四十九分之三萬二千七百六十八爲四寸有八分有八釐有八毫有八絲。

亥一十七萬七千一百四十七分六萬五千五百三

十六

戊下生亥。合黃鐘之全數。而亥得其六萬五千五百三十六也。

一萬九千六百八十三爲一寸



二千一百八十七爲一分 二百四十三爲一釐

二十七爲一毫 三爲一絲 一爲三忽

一爲三忽三三則九忽爲絲三九二十七忽爲毫。亥得一十七萬七千一百四十七分之六萬五千五百三十六爲三寸二分八釐六毫二絲二忽。倍之則六寸五分八釐三毫四絲六忽。

按黃鐘生十一律子寅辰午申戌六陽辰皆下生

丑卯巳未酉亥六陰辰皆上生其上以三歷十二

辰者皆黃鐘之全數

上謂分字以上

其下陰數以倍者三

分本律而損其一也

下謂分字以下以倍而損其一。即太史所謂以下生者倍

其實三其法也陽數以四者三分本律而增其一也以四而增  
其一即太史所謂以上六陽辰當位自得六陰辰  
生者四其實三其法也則居其衝其林鐘南呂應鐘三呂在陰謂西方無  
所增損其大呂夾鐘仲呂三呂在陽謂東方為陽則用  
倍數方與十二月之氣相應蓋陰之從陽自然之  
理也

習軒吳氏日子一分者數起子得一也丑三分  
二者三其法為三分倍其實為二也寅九分八  
者三其法為九分四其實為八也以下生者倍  
其實以上生者四其實也其法以子析為三分

每分五萬九千四十九丑於三分中得其二爲  
十一萬八千九十八積六寸爲林鐘。此黃鐘之  
實三分損一下生林鐘也。以子一析爲九分每  
分得一萬九千六百八十三。寅於九分中得其  
八爲十五萬七千四百六十四。積八寸爲太簇  
此林鐘之實三分益一上生太簇也。以子一析  
爲二十七分每分得六千五百六十一。卯於二  
十七分中得其十六爲十萬四千九百七十六  
積五寸三分爲南呂。此太簇之實三分損一下  
生南呂也。以子一析爲八十一分每分得二千  
一百八十七辰於八十一分中得其六十四爲  
十一萬九千九百六十八。積七寸一分爲姑洗  
此南呂之實三分益一上生姑洗也。以子一析  
爲二百四十三分每分得七百二十九。巳於二  
百四十三分中得其一。百二十八爲九萬三千  
三百一十二。積四寸六分六釐爲應鐘。此姑洗

三	百	千	實	十	十	百	實	十	七	八	三	一	九	二	之
千	八	六	三	二	一	六	三	四	分	分	分	分	分	分	實
七	十	百	分	積	分	十	分	積	中	七	益	十	分	十	三
百	三	八	益	五	中	一	損	四	得	分	一	六	中	九	實
二	分	十	一	寸	得	分	一	寸	其	每	上	積	得	分	三
十	中	三	上	五	其	每	下	一	一	分	生	六	每	每	分
八	得	分	生	分	四	分	生	分	千	二	蕤	寸	得	得	下
積	其	每	夷	五	千	得	大	八	二	十	賓	二	二	百	生
三	八	分	則	釐	九	二	呂	釐	十	一	也	八	百	四	應
寸	千	得	也	一	十	七	也	三	四	未	以	釐	十	十	鐘
六	一	九	以	毫	六	申	以	毫	爲	於	予	爲	三	三	也
分	百	酉	子	爲	積	於	子	爲	八	二	一	十二	萬	午	以
六	九	於	一	此	十	六	一	析	萬	千	析	萬	四	於	子
釐	十	一	析	大	一	萬	析	爲	二	一	爲	千	七	七	一
三	二	萬	爲	呂	萬	五	爲	六	千	百	此	四	百	十	析
毫	萬	九	一	之	百	百	蕤	賓	四	十	應	百	十	百	爲
六	六	六	萬	九	九	六	賓	之	十	百	鐘	百	十	百	七
絲	萬	六	九	之	六	五	之	實	百	八	之	百	十	百	百

卷之三  
 律呂新書  
 卷之三

爲夾鐘。此夷則之實三分損一下生夾鐘也。以子一析爲五萬九千四十九分。每分得三。戌於五萬九千四十九分中得其三萬二千七百六十八爲九萬八千三百單四。積四十八分八釐四毫八絲爲無射。此夾鐘之實三分益一上生無射也。黃鐘之實十七萬七千一百四十七。亥於十七萬七千一百四十七分中得其六萬五千五百三十六。積三十二分八釐六毫二絲二忽爲仲呂。此無射之實三分損一下生仲呂也。○黃氏瑞節曰。其上云者。十二辰分字以上如子一分丑三分是也。其下云者。十二辰分字以下如二八十六是也。其上爲黃鐘全數。其下爲損益相生之數也。○烜按。六陽辰當位自得。黃鐘太簇姑洗蕤賓夷則無射是也。六陰辰則居其衝。謂林鐘未律而居丑。南呂酉律而居卯。應鐘亥律而居巳。大呂丑律而居未。夾鐘卯律而

居酉仲呂已律而居亥也。林鐘南呂應鐘三呂在陰方。無所增損。以未申亥皆在西方。爲陰辰。故林鐘南呂應鐘三呂皆止。如其本數也。大呂夾鐘仲呂三呂在陽方。則用倍數。方與十二月之氣相應。如大呂本數止八萬二千九百四十四。積四寸一分八釐三毫。必倍之爲十六萬五千八百八十八。積八寸三分七釐六毫。而後應丑月之氣。夾鐘本數止七萬三千七百二十八。積三寸六分六釐三毫六絲。必倍之爲十四萬七千四百五十六。積七寸四分三釐七毫三絲。而後應卯月之氣。仲呂本數只六萬五千五百三十六。積三寸二分八釐六毫二絲二忽。必倍之爲十三萬一千零七十二。積六寸五分八釐三毫四絲六忽。而後應巳月之氣也。律取妻而呂生子。男從宗而女適人。婦女以夫之長幼爲長幼。此亦天地自然之理。然此以律下生呂。呂

上生律。順十二辰布之。故有居衝用倍之法。若如呂不韋淮南之說。則隔八相生。又自無煩居衝用倍矣。蔡子一宗律書及漢前志。故彼二家之說。皆所不取云。

# 律呂相生圖

壬子生丑林

丑三分二上生寅木

寅九分八下生卯南

卯二十七分十六上生辰姑

辰八十二分六十四上生巳應

巳三百四十三分二百三十八上生午蕤

午七百九十九分五百五十四上生未大

未二千一百八十七分二千一百上生申夷

申六千五百六十一分四千九百六十六上生酉夷

酉二萬九千六百三十三分二千九百九十二上生戌無

戌五萬九千四百九十九分三萬三千七百六十六上生亥仲

亥七萬七千四百七十七分四萬五千五百六十六上生子仲

倍之乃應月氣

倍之乃應月氣

倍之乃應月氣

黃鐘

林鐘

太簇

南呂

姑洗

應鐘

蕤賓

大呂


夷則

大鐘


無射

仲呂





此及上圖皆據生鐘分以黃鐘三厯十二辰之法數皆出於自然而十二辰順序律當位自律呂則居其衝陰可易而陽不可易亦莫非天地自然之理非安排而後得也



此卽呂居本位以應  
十二月之氣。方位實  
與呂氏之隔八相生  
者同。但損益之法則  
略有可通變處。究之  
律呂之長短。則彼此  
一揆也。

黃鐘六寸三分損二生未林

林鐘六寸三分益二生寅太

太簇八寸三分損二生酉南

南呂五寸三分之二三分益二生辰姑

姑洗九分之二三分損二生亥應

應鐘四寸七分之二三分益二生年數

蕤賓六寸八士分之二三分益二生丑大

大呂六寸四分三分之二三分損二生卯夷

夷則五寸九分之二三分益二生卯夾

夾鐘五寸七分之二三分損二生戌無

無射四寸五分之二三分益二生巳仲

仲呂五寸六分之二三分損二生未黃

子未寅酉辰戌巳



此及上圖用呂氏春秋及淮南子之說。陰陽似乎錯亂。然下生者五。上生者七。無煩加倍之法。隔八相生。不必居衝易位。是亦有自然之妙。蓋自子至辰爲陽。自巳至亥爲陰。故也。

又按如前法。則陽律下生陰呂。陰呂上生陽律。順行不亂。如後說。則應鐘上生蕤賓。蕤賓又上生大呂。於是律反上生呂。呂反下生律。以終於仲呂。其實律呂相生。亦不泥一定上下。蓋用律有倍律。有本律。有半律。於本律下生。用倍律則上生矣。於本律上生。用半律則下生矣。如用姑洗宮下生應鐘爲徵。則應鐘上生蕤賓爲商。此應鐘上生蕤賓也。若用應鐘宮。則下生蕤賓爲徵。是應鐘下生蕤賓矣。他可類推。要以三分損益之。法不失。則上下全半正變。用之皆無往而不合也。○後圖由東北而生西南。則爲下生。由西南而生東北。則爲上生。朱子亦嘗取此說。蓋亦一消一長之道也。○前圖所載寸分。如南呂五寸三分。姑洗七寸一分。應鐘四寸六分六釐。之類。此書本法。以九分爲寸。九釐爲分者也。約十以九。故絲忽皆可盡。後圖所載如南呂五寸。

三分寸之一。姑洗七寸九分寸之一。應鐘四寸  
二分七分寸之二。之類。乃杜祐通典之法。以  
十分爲寸。餘分難盡。故虛設此三三之數也。然  
五寸三分寸之一。要卽五寸三分。七寸九分寸  
之一。要卽七寸一分。四寸二分。七分寸  
之一。要卽四寸六分。六釐。其實一也。

### 十二律之實第四

子黃鐘十七萬七千一百四十七

卽三歷十二  
辰之實數。

全九寸 半無

全爲本宮。不爲他律役。其  
半無者。分之數有不盡也。

丑林鐘十一萬八千口口九十八

卽三分黃鐘之二

全六寸 半三寸不用

全爲本宮。爲黃鐘之徵。半無所用。○東方之呂有半而得用。大呂夾鐘仲呂是也。西方之呂有半而不用。林鐘南呂應鐘是也。陽律之半。則皆得用也。大約東方之律呂爲本宮。而用西方之律呂。則用全。自黃鐘至姑洗爲宮是也。西方之律呂爲本宮。而用東方之律呂。則多用半。自蕤賓至應鐘爲宮是也。西方之陽律有用半者。律長。故可用半。西方之陰呂無用半者。呂短。故不必用。亦不可用也。凡用半律者。不使臣陵君民陵臣故也。

寅太簇十五萬七千四百六十四

卽九分黃鐘之八。

全八寸 半四寸

全爲本宮。爲黃鐘之商。半爲林鐘之徵。

卯南呂十口萬四千九百七十六

卽二十七分黃鐘之十六。

全五寸三分 半二寸六分不用

全爲本宮。爲黃鐘之羽。太簇之徵。林鐘之商。



辰姑洗十三萬九千九百六十八

卽八十一分黃鐘之六十四。

全七寸一分 半三寸五分

全爲本宮。爲黃鐘之角。太簇之商。半爲南呂之徵。林鐘之羽。

巳應鐘九萬三千三百一十二

卽二百四十三分黃鐘之一百二十八。

全四寸六分六釐 半二寸三分三釐不用

全爲本宮。爲黃鐘之變宮。爲南呂之商。林鐘之角。姑洗之徵。太簇之羽。

午蕤賓十二萬四千四百一十六

卽七百二十九分黃鐘之五百一十二

全六寸二分八釐 半三寸一分四釐

全爲本宮。爲姑洗之商。太簇之角。黃鐘之變徵。半爲應鐘之徵。南呂之羽。林鐘之變宮。

未大呂十六萬五千八百八十八

未二千一百八十七分黃鐘之一千零二十四實止八萬二千九百四十四。倍之乃合此數。

全八寸三分七釐六毫 半四寸一分八釐三毫

全爲本宮。半爲應鐘之商。南呂之角。蕤賓之徵姑洗之羽。太簇之變宮。○全者十六萬五千八

百八十八之倍數。半卽八萬二千九百四十四之實數也。

申夷則十一萬口口五百九十二

卽六千五百六十一分黃鐘之四千九十六。

全五寸五分五釐一毫 半二寸七分二釐五毫

全爲本宮。爲蕤賓之商。姑洗之角。太簇之變徵。大呂之徵。半爲應鐘之羽。南呂之變宮。

西夾鐘十四萬七千四百五十六

西一萬九千六百八十三分黃鐘之八千一百九十二。則實止七萬三千七百二十八。倍之乃合此數。

全七寸四分三釐七毫三絲

半三寸六分六釐三毫六絲

全爲本宮爲大呂之商半爲應鐘之角南呂之變徵。梨賓之徵姑洗之羽。○全者十四萬七千四百五十六之倍數。半卽七萬三千七百二十八之實數也。

戌無射九萬八千三百口口四

卽五萬九千四十九分黃鐘之三萬二千七百六十八。

全四寸八分八釐四毫八絲

半二寸四分四釐二毫四絲

樂經律呂通解

卷二

律呂通解

三

全爲本宮。爲夷則之商。蕤賓之角。姑洗之變徵。夾鐘之徵。大呂之羽。半爲應鐘之變宮。

亥仲呂十三萬一千口口七十二

亥一十七萬七千一百四十七。分黃鐘之六萬五千五百三十六。卽其實數。倍之乃有此數。

全六寸五分八釐三毫四絲六忽

餘二算

半三寸二分八釐六毫二絲二忽

全爲本宮。爲夾鐘之商。大呂之角。半爲應鐘之變徵。無射之徵。夷則之羽。蕤賓之變宮。○全者十三萬一千零七十二之倍數。半卽六萬五千五百三十六之實數。

按十二律之實。約以寸法。則黃鐘林鐘太簇得全

寸約以分法。則南呂姑洗得全分。約以釐法。則應鐘蕤賓得全釐。約以毫法。則大呂夷則得全毫。約以絲法。則夾鐘無射得全絲。至仲呂之實十三萬一千七十二。以三分之。不盡二算。其數不行。此律所以止於十二也。

九忽爲絲。九絲爲毫。九毫爲釐。九釐爲分。九分爲寸。九寸爲黃鐘。以九爲法。故三三之。而上下損益。得以不窮。而寸分毫釐皆得有可紀也。寸法。分法。釐法。毫法。絲法。卽前章之西爲寸法。未爲分法。已爲釐法。寅爲毫法。丑爲絲法。是也。凡以三約之。而可盡。則合於寸分毫釐絲之全數。

以三約之而有不盡  
則數之有所不行也。

### 變律第五

黃鐘十七萬四千七百六十二

小分四百八十六

仲呂三分益一轉生黃鐘。不及九寸之數。於是謂之變律。所謂十七萬四千七百六十二者。由六三仲呂之實。而三分益一以生黃鐘。乃復六三歸之。以見黃鐘本數也。其小分四百八十六者。歸之猶有不盡之仲呂小數。則存之以爲忽秒之數也。

全八寸七分八釐一毫六絲二忽不用

半四寸三分八釐五毫三絲一忽

變律不爲宮。又長於他律。故全者不用。凡自仲呂轉生。則有變律。而變半黃鐘爲無射之商。夷則之角。蕤賓之變徵。仲呂之徵。夾鐘之羽。大呂之變宮。

林鐘十一萬六千五百口口八小分三百二十四

由變黃鐘三分損一而得此數。

全五寸八分二釐四毫一絲一忽三初

半二寸八分五釐六毫五絲口口六初

全爲仲呂之商。夾鐘之角。大呂之變徵。半爲無射之羽。夷則之變徵。

太簇十五萬五千三百四十四小分四百三十二



由變林鐘三分益一而得此數

全七寸八分口口二毫四絲四忽七初不用

半三寸八分四釐五毫六絲六忽八初

半為無射之角。夷則之變徵。仲呂之羽。夾鐘之變宮。凡東方之變律呂。只用半。不用全。黃鐘太簇姑洗也。西方之變律呂。則全半皆用。林鐘南呂是也。惟應鐘用全不用半。半無可用也。

南呂十口萬三千五百六十三

小分四十五

由變太簇三分損一而得此數

全五寸二分三釐一毫六絲一初六秒

半二寸五分六釐七絲四忽五初三秒

全爲仲呂之角夾鐘之變徵。半爲無射之變宮。

姑洗十三萬八千口口八十四

小分六十

由變南呂三分益一而得此數

全七寸口口一釐一毫二絲一初二秒不用

半三寸四分五釐一毫一絲一初一秒

半爲無射之變徵。爲仲呂之變宮。

應鐘九萬二千口口五十六

小分四十

由變姑洗三分  
損一而得此數

全四寸六分口口七毫四絲三忽一初四秒

餘一算

半二寸三分口口三毫六絲六忽六秒

強

不用

全爲仲呂之變  
徵半不成聲

按十二律各自爲宮。以生五聲二變。其黃鐘林鐘  
太簇南呂姑洗應鐘六律。則能具足。至蕤賓大呂  
夷則夾鐘無射仲呂六律。則取黃鐘林鐘太簇南  
呂姑洗應鐘六律之聲。少下不和。故有變律。變律

者其聲近正而少高於正律也。然仲呂之實一十三萬一千口口七十二。以三分之不盡二算。旣不可行。當有以通之。律當變者有六。故置一而六三之。得七百二十九。以七百二十九因仲呂之實一十三萬一千口口七十二。爲九千五百五十五萬一千四百八十八三分益一。再生黃鐘林鐘太簇南呂姑洗應鐘六律。又以七百二十九歸之。以從十二律之數。紀其餘分以爲忽秒。然後洪纖高下。不

相奪倫至應鐘之實六千七百一十口萬八千八百六十四以三分之又不可盡一算數不可行此變律之所以止於六也變律非正律故不以爲宮也

朱子曰自黃鐘至仲呂相生之道至是窮矣遂復變而上生黃鐘再生之黃鐘不及九寸只是八寸有餘然黃鐘君象也非諸宮之所能役故虛其正而不復用所用只再生之變者就再生之變者又缺其半所以缺其半者若大呂爲宮黃鐘爲變宮時黃鐘管最長所以只用其半其餘可以類推矣律當變者六謂黃鐘太簇姑洗林鐘南呂應鐘也置一而六三之一三之爲三再三之爲九三之三之爲二十七四三之爲八十一五三之爲二百四十三六三之則七百二十九也三之以通

損益上下之法。六三之以盡六變也。以七百二十九。因仲呂之實十三萬一千零七十二。爲九千五百五十五萬一千四百八十八。以此三分之。則每分當三千一百八十五萬口。四百九十六。三分益一。合得一萬二千七百四十萬一千九百八十四。爲黃鐘之實。卽以此數由黃鐘三分損一。得八千四百九十三萬四千六百五十六。是爲下生林鐘。由林鐘三分益一。得一萬一千三百二十四萬六千二百口。八。是爲上生太簇。由太簇三分損一。得七千五百四十九萬七千四百七十二。是爲下生南呂。由南呂三分益一。得一萬口。口。口。六十六萬三千二百九十六。是爲上生姑洗。由姑洗三分損一。得六千七百一十口。萬八千八百六十四。是爲下生應鐘。再以是三分之。則餘一算不行矣。生六變律既畢。乃以原七百二十九歸之。以見原律本

數則黃鐘十七萬四千七百六十二而仍餘小  
分四百八十六林鐘十一萬六千五百口口八  
而仍餘小分三百二十四太簇十五萬五千三  
百四十四而仍餘小分四百三十二南呂十口  
萬三千五百六十三而仍餘小分四十五姑洗  
十三萬八千口口八十四而仍餘小分六十應  
鐘九萬二千口口五十六而仍餘小分四十由  
是以前寸分釐毫絲忽之法約之而變律之長  
短寸分皆可考矣。○事物之變本非數所可窮  
此置一而六三之故三分之變亦至六而止若  
復置一而十二三之則十二律亦皆有變矣然  
十二律還相爲宮所用變律固止於六餘律自  
不有變縱使有變亦無所用之也後世以變律  
起宮則於是而執始南事分部子母紛紜乃不  
可紀矣。

# 附變律圖

變黃鐘八七分釐二毫絲二忽不用

平四寸三分釐五毫三絲忽

變林鐘五十八分三釐四毫絲忽三初

半寸八分釐五毫三絲忽六初

變太簇寸八分毫四絲忽七初不用

半三寸八分釐五毫三絲忽八初

變南呂五寸三分釐二毫六絲忽初秒

半三寸五分釐七毫三絲忽初三秒

變姑洗寸二釐三毫絲忽初秒不用

半三寸八分釐五毫三絲忽初秒

變應鍾四寸六分七釐四毫絲忽初秒半寸五分釐六毫三絲忽初強不用

## 律生五聲第六



宮聲八十一

黃鐘爲宮之首。其數八十一。曰宮聲八十一者。亦因黃鐘而言也。然宮無定律。聲無定宮。則八十一亦無定數。此不過設作算法然耳。

商聲七十二

宮下生徵。徵上生商。商下生羽。羽上生角。此三分損益。上下相生。以合律之定法也。宮最濁。商次濁。角居清濁之間。徵次清。羽最清。此清濁大小。卽君臣民事物之序也。商聲七十二者。亦因黃鐘一宮太簇爲商。其數七十二而言耳。

角聲六十四

因姑洗爲角  
之數言也。

### 徵聲五十四

因林鐘爲徵  
之數言也。

### 羽聲四十八

因南呂爲羽之數言也。蓋八十一卽九寸也。七十二卽八寸也。六十四則七寸一分也。五十四卽六寸也。四十八卽五寸三分也。然旣設此數則每宮皆可因此法爲損益而定五聲而或者必泥於以數言則又非也。

按黃鐘之數九九八十一。是爲五聲之本。三分損

一以下生徵。徵三分益一。以上生商。商三分損一。以下生羽。羽三分益一。以上生角。至角聲之數六十四。以三分之不盡一算。數不可行。此聲之數所以止於五也。

炬按天地之間。物多以五爲數。如色、味、聲、臭、倫、事皆然也。聲止於五。自然之道。此以八十一爲宮數。故數之行至五而止。亦適合也。然聲之所以止於五者。當不必在此。而以律呂之相生言。則固非至五而窮。又他宮亦可施以九九之法。是則用此數者。亦以便爲三分損益之用耳。非真聲限於數也。

或曰此黃鐘一均五聲之數。他律不然。曰置本律之實。以九九因之。三分損益。以爲五聲。再以本律之實約之。則宮固八十一。商亦七十二。角亦六十。

四。徵亦五十四。羽亦四十八矣。

假如應鐘九萬三千三百一十二。以

八十一乘之。得七百五十五萬八千二百七十二。爲宮。以九萬三千三百一十二約之。得八十一。三分宮損一。得五百口口三萬八千八百四十八。爲徵。以九萬三千三百一十二約之。得五十四。三分徵益一。得六百七十一萬八千四百六十四。爲商。以九萬三千三百一十二約之。得七十二。三分商損一。得四百四十七萬八千九百七十六。爲羽。以九萬三千三百一十二約之。得四十八。三分羽益

一。得五百九十七萬一千九百六十八爲角。以九萬三千三百一十二約之得六十四也。

烜按此固是個大法。欲筆之於書。則不得不如此細說。其實不必問是何律。只以某律起宮。便將其律作八十一數。以此三分損益。可得五聲而止。固律律皆然也。且亦并不必定八十一數。只以宮之長三分損一下生羽。羽三分益一上生商。商三分損一下生羽。羽三分益一上生角。則聲定律定。而爲半爲變皆自符合矣。以紙條約之可得也。○五聲是個倒數。五行之序是水火木金土。五聲之序。卻是土金木火水也。五聲必以宮定。猶五行皆以土成也。其上下相生之序。卻置宮土在春夏之間。其徵生商。商生羽。羽生角。則以夏秋冬春爲序。蓋聲由陽作。春夏之交。陽之畢達也。

變聲第七

變宮聲四十二

小分六

變聲以助正聲之和者。所謂四十二者。由以九因角之實。而又三分損一。以下生變宮。乃復以九歸之。以從五聲本數也。其小分六者。歸之。猶有不盡小數。則存之以見本算法耳。

變徵聲五十六

小分八

又由變宮三分益一而得此數。

按五聲宮與商、商與角、徵與羽、相去各一律。至角與徵、羽與宮、相去乃二律。相去一律則音節和。相

去二律。則音節遠。故角徵之間。近徵收一聲。比徵少下。故謂之變徵。羽宮之間。近宮收一聲。少高於宮。故謂之變宮也。

變聲只以承援助歌。然亦必範以律。如今之教坊樂譜。合、四、一、尺、工。卽宮商角徵羽也。此五聲之正也。若凡字。卽變宮。勾字。卽變徵也。教坊譜又有六字五字。乃清宮清商也。外又有上字。則出於三分損益之外者矣。

角聲之實。六十有四。以三分之。不盡一算。旣不可行。當有以通之。聲之變者二。故置一而兩三之得。

九以九因角聲之實六十有四得五百七十六三分損益再生變徵變宮二聲以九歸之以從五聲之數存其餘數以爲強弱至變徵之數五百一十二以三分之又不可盡二算其數又不行此變聲所以止於二也

兩三之。所以爲二變之地也。以九因角聲之六十四得五百七十六。以此數三分之。每分得一百九十二。三分損一。以五百七十六除去一百九十二。仍得三百八十四。是爲變宮。以三百八十四三分之。每分得一百二十八。三分益一。以三百八十四加一百二十八。合得五百一十二。



是為變徵。既得二變。乃復以九歸之。以從五聲本數。則變宮四十二。而餘小分六。變徵五十六。而餘小分八。是亦作此算法。不必泥於數也。

變宮變徵。宮不成宮。徵不成徵。古人謂之和。繆。

和即

變宮繆又曰。所以濟五聲之不及也。變聲非正。故

不為調也。

按二變不但不可起調。即每調之中。亦不宜多用。變聲。只以濟正聲之接續可耳。在虞書。在周禮。皆止言五聲而已。左傳始有七音之說。說者每以二變為周文武所加。又謂古琴五弦。文武各加一弦。是為七弦。即二變聲。殊不知琴之文武二弦。乃應清宮清商。即半律之義。原非變宮。

變徵也。二變不知始自何時。然亦是有可能加之。理角遠於徵而難和。加變徵所以聯續徵角也。羽聲盡而宮始。加變宮所以聯續終始也。徵爲事。事有經權。權以善經。變徵所以通變也。宮爲君。君之儲貳有時攝事。變宮所以象儲嗣也。故可加也。而亦有不加之理。今人北曲並用七律。音稍近古。此加和繆者也。南曲只用五律。亦未嘗不成聲。是不加和繆者也。究之北曲並用七律。並奏七調。則已失正。而七律之中。又不收近徵者爲變徵。反收近角者用之。出句用上。則益爲非法矣。南曲用五律。則又且有上字無一字。有變徵而無角聲。是可見其爲角亂民困徵亂事煩。其妖淫愁怨。又甯待問哉。然自元明以暨於今。莫之察也。至若以變聲起調之非。則由來已久。如師曠奏清商。漸離歌變徵。斯亦樂亡之有其漸。非一日夫。

八十四聲圖第八

正律墨書 半聲朱書  
變律朱書 變半墨書

十一月

黃鐘宮

黃鐘不爲他律役

六月

林鐘宮 蕤鐘徵

正月

太簇宮 姑鐘徵 蕤鐘商

八月

南呂宮 蕤鐘徵 林鐘商 蕤鐘羽

三月

姑洗宮 南呂徵 太簇商 林鐘羽 蕤鐘角

十月

應鐘宮 姑洗徵 南呂商 太簇羽 林鐘角

蕤鐘 變宮

五月 蕤賓宮 應鐘徵 姑洗商 南呂羽 太簇角

林鐘 蕤賓 變徵 黃鐘

十二月 大呂商 蕤賓徵 應鐘商 姑洗羽 南呂角

太簇 蕤賓 林鐘 蕤賓

七月 夷則宮 大呂徵 蕤賓商 應鐘羽 姑洗角

南呂 蕤賓 太簇 蕤賓

二月 夾鍾宮 夷則徵 大呂商 蕤賓羽 應鐘角

姑洗 蕤賓 應鐘 蕤賓

九月 無射宮 夾鍾徵 夷則商 大呂羽 蕤賓角

應鐘 蕤賓 姑洗 蕤賓

四月 仲呂宮 無射徵 夾鍾商 夷則羽 大呂角

蕤賓 蕤賓 應鐘 蕤賓

蕤賓變 仲呂徵 無射商 夾鍾羽 夷則角

大呂 蕤賓 變徵 蕤賓

林鐘變 仲呂商 無射羽 夾鍾角

夷則 蕤賓 變宮 大呂

樂經律呂通解 卷二 律呂新書上

太簇變

仲呂羽

無射角

夾鐘 變宮

夷則 變徵

南呂變

仲呂角

無射 變宮

夾鐘 變徵

姑洗變

仲呂 變宮

無射 變徵

應鍾變

仲呂 變徵

按律呂之數。往而不返。故黃鐘不復為他律。後所

用七聲皆正律。無空積忽微。自林鐘而下。則有半

聲。

大呂太簇一牛聲。夾鐘姑洗二牛聲。蕤賓林鐘四牛聲。夷則南呂五牛聲。無射應鍾六牛聲。仲

呂三牛聲。○用半聲者。不使臣陵君。民陵臣也。自蕤賓而下。則有變律。蕤賓

一變律。大呂二變律。夷則三變律。夾鐘四變律。無射五變律。仲呂為十二律之窮。用六變律。用變律者。以正律少下不和。故用變律而後和也。皆有空積忽微。不得其正。

故黃鐘獨為聲氣之元。雖十二律八十四聲皆黃鐘所生。然黃鐘一均。所謂純粹中之純粹者也。八十四聲。正律六十三。變律二十一。六十三者。九七之數也。二十一者。三七之數也。或問聲氣之元。朱子曰。律歷家最重

此元聲。元聲一定。向下都定。元聲差。以下都差。

按正律。黃鐘一聲。林鐘二聲。太簇三聲。南呂四聲。姑洗五聲。應鐘六聲。蕤賓大呂。夷則夾鐘。無

樂經律呂通解

卷二

有呂則聲上

三


射仲呂皆七聲。合得六十三聲。內太簇一。半聲。姑洗二。半聲。蕤賓三。半聲。大呂六。半聲。夷則二。半聲。夾鐘五。半聲。無射一。半聲。仲呂四。半聲。凡半聲二十四。全聲三十九也。變律。變黃鐘六聲。變林鐘五聲。變大簇四聲。變南呂三聲。變姑洗二聲。變應鐘一聲。合得二十一聲。內黃鐘太簇姑洗皆用半。不用全。應鐘用全。不用半。林鐘全聲三。半聲二。南呂全聲二。半聲一。凡半聲十五。全聲六也。此圖本律爲某鈞所用。則直下。本宮所用某律。則斜飛。縱橫求之。皆有可考矣。○聲氣之元。卽生氣之始也。十二律八十四聲。皆自黃鐘而生。而用之。則有以全。以半。以變。以變半之異。所以合生氣之和也。聲音之發。千變萬殊。不可方物。不範之以律。合之使和。則放散流瀆。無所不至。陽者必散。陰者必密。剛則必怒。柔則必攝。又何以保合太和。而得其性命之正哉。古

聖人稽之度數。於是以定十二律矣。而又於十二律之中。必審其用全用半用變用變半之宜。以範人聲。而使之出一出於和。則君臣民事物之象。皆安其位。而不相陵。相生相統之宜。各有其常。而不相紊。此所以陽而不散。陰而不密。剛氣不怒。柔氣不懼。而五常之行。亦已寓乎其中也。然生氣之元。未有不純粹至善者。而氣之所流。往往不能無差。是以有得半得變之異。惟變而不失其正。則不害其爲生氣之和。而惟黃鐘一均所用皆正律。爲純粹中之純粹者。此猶六十四卦之乾。爲純粹精也。其餘則猶他卦之各成體象。而有不能盡純者矣。況後世律呂既失。中聲不可復求。黃鐘一律。既失其真。則餘十一律皆差以毫釐。謬以千里。八十四聲皆非其正。而聽聲者又徒取其悅耳。變聲變律皆以起宮。是以徒爲導欲。增悲而已。欲以感天地而格鬼神。




養性情而和心志也。胡可得與噫。

附二十律



# 相用圓圖



六十調圖第九

以周禮及淮南子及禮記鄭氏註孔氏正義定

官 商 角 徵 羽 變

黃鐘宮

黃

正

太

正

姑

正

蕤

正

林

正

南

正

應

正

此五

調皆

無射商

無

正

黃

半變

太

半變

姑

半變

仲

半

林

半變

南

半變

以黃

鐘起

夷則角

夷

正

無

正

黃

半變

太

半變

夾

半

仲

半

林

半變

調黃

鐘畢

仲呂徵

仲

正

林

半變

南

半變

應

半變

黃

半變

太

半變

姑

半變

曲

夾鐘羽

夾

正

仲

正

林

半變

南

半變

無

正

黃

半變

太

半變

大呂宮

大

正

夾

正

仲

正

林

半變

夷

正

無

正

黃

半變

此五

調皆

應鐘商

應正大

半

夾半

仲半

蕤半

夷半

無半

以

大

呂起

大

呂起

大

南呂角

南正應正大

半

夾半

姑半

蕤半

夷半

無半

以

大

呂起

大

呂起

大

蕤賓徵

蕤正夷正無正

黃半變

大半

夾半

仲半

曲

畢

大

呂起

大

呂起

大

呂起

大

姑洗羽

姑正蕤正夷正無正

應正大

半

夾半

仲半

曲

畢

大

呂起

大

呂起

大

呂起

大

太簇宮

太正姑正蕤正夷正

南正大

半

夾半

仲半

曲

畢

大

呂起

大

呂起

大

呂起

大

黃鐘商

黃正太正姑正蕤正

林正大

半

夾半

仲半

曲

畢

大

呂起

大

呂起

大

呂起

大

無射角

無正黃半變

太半變

姑半變

仲半變

林半變

南半變

應正大

半

夾半

仲半

曲

畢

大

呂起

林鐘徵

林正南正應正大

半

夾半

姑半

蕤半

夷半

無半

以

大

呂起

大

呂起

大

呂起

半爰

髮此  
周此  
半下

半變  
鐘以  
用女

調子

半變曲

午

此下

先以

此五調皆以姑洗起

黃鐘角

黃正 太正 姑正 蕤正 林正 南正 應正 調姑  
洗畢

南呂徵

南正 應正 大<sup>半</sup> 夾<sup>半</sup> 姑<sup>半</sup> 蕤<sup>半</sup> 夷<sup>半</sup> 曲

林鐘羽

林正 南正 應正 大<sup>半</sup> 太<sup>半</sup> 姑<sup>半</sup> 蕤<sup>半</sup>

仲呂宮

仲正 林<sup>變</sup> 南<sup>變</sup> 應<sup>變</sup> 黃<sup>變</sup> 太<sup>變</sup> 姑<sup>變</sup> 此五  
半調皆

夾鐘商

夾正 仲<sup>正</sup> 林<sup>變</sup> 南<sup>變</sup> 無正 黃<sup>變</sup> 天<sup>變</sup> 以仲  
半呂起

大呂角

大正 夾正 仲<sup>正</sup> 林<sup>變</sup> 夷正 無正 黃<sup>變</sup> 調仲  
半呂畢

無射徵

無正 黃<sup>變</sup> 太<sup>變</sup> 姑<sup>變</sup> 仲<sup>半</sup> 林<sup>變</sup> 南<sup>變</sup> 曲  
半

夷則羽

夷正 無正 黃<sup>變</sup> 太<sup>變</sup> 夾<sup>半</sup> 仲<sup>半</sup> 林<sup>變</sup> 半

蕤賓宮 蕤正夷正無正黃半變大半夾半仲半此五調皆

姑洗商 姑正蕤正夷正無正應正大半夾半以蕤賓起

太簇角 太正姑正蕤正夷正南正應正大半調蕤賓畢

應鐘徵 應正大半夾半仲半蕤半夷半無半曲

南呂羽 南正應正大半夾半姑半蕤半夷半

林鐘宮 林正南正應正大半太半姑半蕤半此五調皆

仲呂商 仲正林變南變應變黃半變太半變姑半變以林鐘起

夾鐘角 夾正仲正林變南變無正黃半變太半變鐘畢



黃鐘徵

黃

正

太

正

姑

正

蕤

正

林

正

南

正

應

正

曲

無射羽

無

正

**黃**

半變

**太**

半變

**姑**

半變

仲

半

**林**

半變

**南**

半變

夷則宮

夷

正

無

正

**黃**

半變

**太**

半變

夾

半

仲

半

**林**

半變

蕤賓商

蕤

正

夷

正

無

正

**黃**

半變

大

半

夾

半

仲

半

姑洗角

姑

正

蕤

正

夷

正

無

正

應

正

大

半

夾

半

大呂徵

大

正

夾

正

仲

正

**林**

變

夷

正

無

正

**黃**

半變

應鐘羽

應

正

大

半

夾

半

仲

半

蕤

半

夷

半

無

半

南呂宮

南

正

應

正

大

半

夾

半

姑

半

蕤

半

夷

半

此五調皆

此五調皆夷則起

則曲

林鐘商

林

正南

正應

大半

太

姑

半

蕤

呂以南

仲呂角

仲

正林

變南

應

變黃

大半

太

姑

變調南

太簇徵

太

正姑

正蕤

正夷

正南

正應

大半

曲

黃鐘羽

黃

正太

正姑

正蕤

正林

正南

正應

正

無射宮

無

正黃

變太

變姑

變仲

半林

變南

此五

夷則商

夷

正無

正黃

變太

變夾

半仲

半林

變以無

蕤賓角

蕤

正夷

正無

正黃

變太

變夾

半仲

半調無

夾鐘徵

夾

正仲

正林

變南

變無

正黃

變太

變曲

射畢

大呂羽

大 正 夾 正

仲 正

林 變

夷 正

無 正

蕢 變

應鍾宮

應 正

大 半

夾 半

仲 半

蕢 半

夷 半

無 半

此五調皆

南呂商

南 正

應 正

大 半

太 半

姑 半

蕢 半

夷 半

以應鐘起

林鐘角

林 正

南 正

應 正

大 半

太 半

姑 半

蕢 半

調應鐘畢

姑洗徵

姑 正

蕢 正

夷 正

無 正

應 正

大 半

夾 半

曲

太簇羽

太 正

姑 正

蕢 正

夷 正

南 正

應 正

大 半

按十二律旋相為宮。各有七聲。合八十四聲。宮聲

十二。商聲十二。角聲十二。徵聲十二。羽聲十二。凡

六十聲爲六十調。其變宮十二。在羽聲之後。宮聲之前。變徵十二。在角聲之後。徵聲之前。宮不成宮。徵不成徵。凡二十四聲。不可爲調。

變聲不可爲調。此一定不易之理。蓋金聲玉振。初終二聲。便是全闕綱紀。豈可用變聲領之。聲有二變。變宮者。如君之有儲貳。變徵者。如事之有權變。以之爲五聲之助。則可以以之專成一聲。且有不可。况以起調畢曲乎。顧自荀勗祖京房而制十二笛。錢樂因南事而衍三百六十律。沈約三百六十律。各因月之本律爲一部。以母統子。隨多少合爲一部。則變律不止於七。而聲音之道日雜。由是變律可以起宮。變聲亦以起調。而梁武帝立四通十二笛。以寫通聲。鄭譯因琵琶

瑟七調而立七均。祖孝孫以十二箇旋爲六十  
聲。八十四調。變聲起調。無復有非之者。今教坊  
九宮。謂合四一上尺工凡六五也。七調。則小工  
調。又名閉宮調。次凡字調。次六字調。次正宮調。  
次一字調。次上字調。次尺字調。小工調最平。尺  
字調最高。以今考之。小工調實是黃鐘均。而正  
宮調却宜是仲呂均。蓋其分調亦既雜亂。而無  
章。雖亦旋宮之法。而用律已失古之制矣。又上  
凡六五皆以起宮起調。謂古樂曾有是哉。又今  
樂以平上去入分羽角宮商。其法平聲羽七調。  
第一運中呂調。二運正平調。三運高平調。四運  
仙呂調。五運黃鐘調。六運般涉調。七運高般調。  
上聲角七調。第一運越調。二運大石調。三運高  
大石調。四運雙調。五運小石調。六運歇指調。七  
運林鐘調。去聲宮七調。第一運正宮調。二運高  
宮調。三運中呂調。四運道調。五運南呂調。六運

樂經律呂通解

卷二

律呂新書上

星

仙呂調。七運黃鐘宮調。入聲商。第一運越調。二運大石調。三運高大石調。四運雙調。五運小石調。六運歇指調。七運林鐘調。七調與上聲大同。上平聲徵。商角同用。宮逐羽音。此教坊之十九調。二十八變也。夫以平上去入分五聲。既格格不合。而且決裂。一無所當。且正宮非正。其不肯於古者益已鮮矣。

黃鐘宮至夾鐘羽。並用黃鐘起調黃鐘畢曲。大呂宮至姑洗羽。並用大呂起調大呂畢曲。太簇宮至仲呂羽。並用太簇起調太簇畢曲。夾鐘宮至蕤賓羽。並用夾鐘起調夾鐘畢曲。姑洗宮至林鐘羽。並

用姑洗起調姑洗畢曲。仲呂宮至夷則羽。竝用仲呂起調仲呂畢曲。蕤賓宮至南呂羽。竝用蕤賓起調蕤賓畢曲。林鐘宮至無射羽。竝用林鐘起調林鐘畢曲。夷則宮至應鐘羽。竝用夷則起調夷則畢曲。南呂宮至黃鐘羽。竝用南呂起調南呂畢曲。無射宮至大呂羽。竝用無射起調無射畢曲。應鐘宮至太簇羽。竝用應鐘起調應鐘畢曲。是爲六十調。

黃鐘宮者。以黃鐘爲宮。又用以起調畢曲也。黃鐘爲無射之商。爲夷則之角。爲仲呂之徵。爲夾

鐘之羽。今奏無射鈞而以黃鐘起調。黃鐘畢曲。則謂之無射之商調。奏仲呂鈞而以黃鐘起調。黃鐘畢曲。則謂之仲呂之徵調。奏夷則鈞而以黃鐘起調。黃鐘畢曲。則謂之夷則之角調。奏夾鐘鈞而以黃鐘起調。黃鐘畢曲。則謂之夾鐘之羽調。餘六十調倣此。○宮調商調之別。謂就某鈞中用某聲起止耳。其實一調之中。五聲皆足備也。周人祭祀之樂。不用商聲者。亦只是不用商調。先儒已言之矣。宋人大樂無徵角二調。此又不知何故。朱子云。此却是不知如何。其中有個甚麼欠缺處。所以做那徵不成。徽宗嘗令人硬去做。然後來做得成。卻只是首一聲是徵。尾後一聲依舊不是。依舊走了。不知是何故。又云。如今俗樂亦只有宮商羽三調而已。煇按周人無商。是不用商調。宋人無徵角調。却是缺了徵角調。此其所以故。那徵不成處。蓋亦緣宮律已



失正。而徵聲失位。如所云。今樂各有某宮。其各  
宮起處。卻差一位。是也。今人以去聲爲宮。而第  
一運正宮調。卻按之。是大呂調。此其差一位。可  
知矣。宮聲一差。向後都愈差去。而徵不能成調  
矣。角本難和。故角調亦不成。如今人不用勾字  
而用上字。則徵失。可知。又用上字。遂不用一字。  
則角且無聲矣。商羽却去宮聲。上下之間。不遠。  
故猶得成調也。又今樂以平上去入分配羽角。  
宮商則徵已無。與於調矣。雖曰上平聲徵。而又  
商角同用。宮逐羽音。則徵究無專調。又商調之  
與角調。七運同用。則是亦別無角調。可知也。宋  
以仁宋之盛。而未能正樂。其後則王介甫新法。  
事煩民困。徵角之不成。固其所也。夫君民判隔。  
上下如不相能。君之膏澤屯而不流。民之疾苦  
壅而不達。有司乾沒。以隔於其中。彼此相蒙。文  
案煩多。虛而無實。日出事生。紛擾百端。不可勝

理審樂知政。不以此與昔齊景公用晏子之言而作君臣相悅之樂。猶曰徵招角招而後世乃無徵角之調。不亦異乎。乃填詞小曲。新聲日繁。然求其起調畢曲之同歸一律者。則百不一見。是又不徒徵角之無調矣。樂之漸流漸失也。夫豈一端而已夫。

六十調。卽十二律也。十二律。卽一黃鐘也。黃鐘生十二律。十二律生五聲二變。五聲各爲綱紀。以成六十調。六十調皆黃鐘損益之變也。宮商角三十六調。老陽也。其徵羽二十四調。老陰也。調成而陰陽備也。

問調成而陰陽備。曰律呂已具陰陽。此則指三十六二十四而言。謂陰陽之數至此而備也。陰陽之道不爲典要。以宮商角爲陽。以徵羽爲陰。此亦是西山所見。

或曰日辰之數。由天五地六錯綜而生。律呂之數。由黃鐘九寸損益而生。二者不同。至數之成。則日有六甲。辰有五子。爲六十日。律呂有六律五聲。爲六十調。若合符節。何也。曰卽上文之所謂調成而陰陽備也。夫理必有對待。數之自然也。以天五地六。合陰陽言之。則六甲五子究於六十。其三十六

樂經律呂通解

卷二

律呂通解

吳

爲陽二十四爲陰以黃鐘九寸紀陽不紀陰言之  
則六律五聲究於六十亦三十六爲陽二十四爲  
陰蓋一陽之中又自有陰陽也非知天地之化育  
者不能與於此

紀陽不紀陰者樂由陽作凡聲陽也而九寸者  
陽之成數也然律有六而耦之則十二陰數之  
耦聲有五五者陽之奇以五乘六則其數亦自  
然備於六十矣六十調合於六十日之數如此  
亦以可見分八  
十四調之非矣

六十調合六十日陰陽家以十干化氣分配五  
聲而行於十二辰以配十二律亦頗似有理附

見於此。

甲己宮

乙庚商

丙辛羽

丁壬角

戊癸徵

甲子

宮黃鐘

乙丑

商大呂

丙寅

羽太簇

丁卯

角夾鐘

戊辰

姑徵

己巳

宮仲呂

庚午

商蕤

辛未

羽林

壬申

角夷

癸酉

南徵

甲戌

宮無射

乙亥

商應

丙子

羽黃

丁丑

角大

戊寅

太徵

己卯

宮夾鐘

庚辰

商姑

辛巳

羽仲

壬午

角蕤

癸未

林徵

甲申

宮夷則

乙酉

商南

丙戌

羽無

丁亥

角應

戊子

黃徵

己丑

宮大呂

庚寅

商太

辛卯

羽夾

壬辰

角姑

癸巳

仲徵

樂經律呂通解

卷二

律呂新書上

畢

甲午

宮 蕤賓

乙未

商 林鍾

丙申

夷 南呂

丁酉

角 太簇

戊戌

無 應鐘

己亥

宮 應鐘

庚子

商 黃鍾

辛丑

大 姑洗

壬寅

角 太簇

癸卯

夾 姑洗

甲辰

宮 姑洗

乙巳

仲 蕤賓

丙午

蕤賓 南呂

丁未

角 林鍾

戊申

夷 南呂

己酉

宮 南呂

庚戌

無 應鐘

辛亥

應 姑洗

壬子

角 黃鍾

癸丑

大 姑洗

甲寅

宮 太簇

乙卯

夾 姑洗

丙辰

姑洗 南呂

丁巳

角 仲蕤

戊午

蕤賓 南呂

己未

宮 林鍾

庚申

夷 南呂

辛酉

南 太簇

壬戌

無 應鐘

癸亥

應 姑洗

化氣者甲己化土。乙庚化金。丙辛化水。丁壬化木。戊癸化火也。

候氣第十

候氣之瀦爲室三重。戶閉塗罫必周密。布緹縵室中。以木爲桺。每律各一桺。內卑外高。從其方位。加律其上。以葭灰實其端。覆以緹素。按厯而候之。如氣至。則吹灰動素。小動爲和氣。大動爲君弱臣強專政之應。不動爲君嚴猛之應。其升降之數。

在冬至則黃鐘九寸。

升五分一釐三毫。大寒則大呂八寸三分七釐六毫。

升三分七釐六毫。雨水則太簇八寸。

升四分五釐一毫六絲。春分則夾鐘七寸四分三釐七毫三絲。

升三分三釐七毫三絲。穀雨則姑洗七寸一分。升四分口口五毫四絲三忽。小滿則仲呂六寸五分八釐三毫四絲六忽。

升三分口口三毫四絲六忽。夏至則蕤賓六寸二分八釐。



升二分八釐。大暑則林鐘六寸。

升三分三釐四毫。處暑則夷則五寸五分五釐五毫。

升二分五釐五毫。秋分則南呂五寸三分。

升三分□□四毫一絲。霜降則無射四寸八分八釐四毫八絲。

升二分二釐四毫八絲。小雪則應鐘四寸六分六釐。

此寸分毫釐皆以九爲算者也其湯氣上升之數卽律管迭短之數也

按陽生於復陰生於姤如環無端今律呂之數三分損益終不復始何也曰陽之升始於子午雖陰生而陽之升於上者未已至亥而後窮上反下陰之升始於午子雖陽生而陰之升於上者亦未已至巳而後窮上反下律於陰則不書故終不復始也

天地間無純陰純陽之時陽方剝於上則已復於下矣陰方夬於上則已姤於下矣應鐘之短

於黃鐘者四寸二分三釐是則一歲陽氣上升窮上反下之數也。律呂以紀陽氣。陽氣者。生物之氣。所謂生氣之和也。其往而不返。正所謂逝者如斯。然必求其終而復始。則是必以歸海之水復爲發源之水。已死之人轉爲復生之人。此張子反原之說。所以見譏於程子也。蓋冬至陽氣初動於下。草木根莖皆含生意。由是而日達於上。萌芽枝葉。自春及夏。爲發生之極。至秋冬則物成之候。然草木之在秋冬。亦未嘗不有所生長。但不如春夏之盛耳。天地間無時不生物。亦無時不成物。生氣固無有或盡之時也。

是以升陽之數。自子至巳差強。在律爲尤強。在呂爲少弱。自午至亥漸弱。在律爲尤弱。在呂爲差強。

分數多寡雖若不齊然其絲分毫別各有條理此氣之所以飛灰聲之所以中律也

自子至巳陽長之方故上升之數強陽之陽則尤強陽之陰則少弱也自午至亥陽消之方故陽之升漸弱陽之陽則尤弱而陽之陰則猶差強也此即天地之間無時而不生物而草木之生長於秋冬則不若春夏之盛也

或曰易以道陰陽而律不書陰何也曰易者盡天下之變善與惡無不備也律者致中和之用止於至善者也以聲言之大而至於雷霆細而止於蟻

蠓無非聲也。易則無不備也。律則寫其所謂黃鐘一聲而已矣。雖有十二律六十調。然實一黃鐘也。是理也。在聲爲中聲。在氣爲中氣。在人則喜怒哀樂未發與發而中節也。此聖人所以一天人贊化育之道也。

凡聲陽也。聲中於律呂。則陽之粹也。在天則生意之存。於穆不已。爲中之至。而及其播於四時。流爲百物。則莫不有當然之則。而無不各保合其太和焉。是天地之中和也。其在律呂。則默存夫天地生物之氣。而無所偏倚。所謂生氣之和。而及其應一陽之動。見天心之復。以順布爲一。

歲之常。則上下損益。大小清濁。又各有其倫。叙而不乖。不亂焉。是卽五常之行於斯而寓是律呂之中。和也。氣不能盡爲生氣之和。故寒暑有失宜。陰陽有失節。而應乎一陽之動者。則和之至也。聲不能皆中於律呂。故大至於雷霆。細至於蟻蟻。或且聲不成聲。而合乎生氣之和者。則聲之中節也。聲成文。謂之音。音不能皆有序而不亂。從律而不姦。則有怙憑以相陵者。而如其上下有節。清濁有倫。則道乎五常之行者。又音之和。而無不中節也。是故聖人本之性情。稽之度數。制之禮義。以使之合乎生氣之和。而道於五常之行。則律呂之用起焉。是聖人所以致中和之用。而止於至善者也。聲有十二律。五聲六十調。而皆本於黃鐘。黃鐘得。則十二律皆得。而六十調莫非中和。黃鐘不可得。則十二律皆無所據。而調皆無以成調矣。是十二律六十調實

一黃鐘也。律呂之合乎中氣而發爲中聲者。天地之性情所見端也。喜怒哀樂之未發。無所偏倚。而及其發之也。又無不中節焉。此人所不得乎。天地之性情以爲性情者。天人一也。聖人致一已之中。和以盡天地之中。和而於是者。天地之中。和於律呂之中。和遂還以律呂之中。和者彰其德之中和。以爲之聲詩。而播之爲樂。以養天下萬世人心之中和。此所謂一天人而贊化育之道也。朱子曰。五聲之序。宮最大而沈濁。羽最細而輕清。商之大次宮。徵之細次羽。而角居四者之中焉。然世之論中聲者。不以角而以宮。何也。曰。凡聲陽也。自下而上。未及其半。則屬於陰。而未暢。故不可用上。而及半。然後屬於陽。而始和。故卽其始而用之。以爲宮。因其每變而上。則爲商。爲角。爲變徵。爲徵。爲羽。爲變宮。而皆以爲宮之用焉。是以宮之一聲。在五行爲土。在五

樂經律呂通解

卷二

律呂通解

五

常爲信。在五事爲思。蓋以其正當衆聲和與未和。用與未用。陰陽際會之中。所以爲盛。若角則雖當五聲之中。而非衆聲之會。且以七音論之。又有變徵以居焉。亦非五聲之所取正也。然白其聲之始和者。推而上之。亦至於變宮而止耳。自是而上。則又過乎輕清而不可以爲宮。於是就其兩間而細分之。則其別又十有二。以其最大而沈濁者爲黃鐘。以其極細而輕清者爲應鐘。及其旋相爲宮。而上下相生。以盡五聲二變之用。則宮常不越乎十二之中。而四聲者或時出於其外。以取諸律半聲之管。然後七鈞備而一調成也。黃鐘之與餘律。其所以爲貴賤者亦然。若諸半聲以上。則又過乎輕清之甚。而不可以爲樂矣。蓋黃鐘之宮。始之始。中之中也。十律之宮。始之次。而中少過也。應鐘之宮。始之終。而中已盡也。諸律半聲。過乎輕清。始之外。而中之



樂經律呂通解

卷二

律呂新書上

三

上也。半聲之外。過乎輕清之甚。則又外之外。上之上。而不可以爲樂者也。正如子時初四刻屬前日。正四刻屬後日。其兩日之間。則所謂始中之中也。然則聲自屬陰以下。亦當默有十。二正變半律之地。以爲中聲之前段。如子初四刻之爲者。但無聲氣之可紀耳。由是論之。則審音之難。不在於聲。而在於律。不在於宮。而在於黃鐘。蓋不以十二律節之。則無以著夫五聲之實。不得黃鐘之正。則十一律又無所受。以爲本律之宮也。按朱子謂聲自屬陰以下。亦當默有十二正變半律之地。以爲中聲之前段。如子初四刻之爲者。但無聲氣之可紀耳。此言似無據。而實有至理。蓋天地之用。自無而有。自有而無。如晝夜焉。其發於有者。可得而稽。人之晝而動。作也。其藏於無者。不可得而紀。人之宵而寐。睽也。然人之寐也。雖一無所爲。一無所覺。而要

不可謂無其人。則子初四刻之謂是矣。邵子以音聲窮天地萬物之數。其至於無字無音聲處亦猶是也。邵子又嘗稱沈休文次韻始於一東。終於十五咸。以爲知道。今卽休文次韻玩之。其序次自合口而漸啓漸開。至真文元寒刪之間。聲爲至盛。若先蕭肴豪歌麻。則音韻高舉有滿盈之象。至青蒸。則將含閉。尤侵則漸清肅。覃鹽咸則皆舌捲口閉而歸於無聲矣。然則一東之韻正如冬至子半。天運之中。聲音之始。沈大而濁亦於五聲爲宮。爲喉間之音。謂之律應黃鐘可也。冬字見於二冬。冬至以後。陽雖漸生而時猶閉凍也。自此以後。踰十易韻而春字始見於十一真。猶子丑寅卯之月。升陽之數甚強。生物之數爲甚多也。又自此以後。踰十易韻而夏字始見於六麻。升陽之盛也。六麻後五易韻而秋字遂見十一尤。十一尤後四易韻。字亦甚少而音

樂經律呂通解

卷二

律呂新書上

五

韻終矣。是猶自午以後。升陽之氣。以漸而弱也。然則在合口發聲之前。捲舌閉口之後。夫豈無無聲之聲。屬陰之地。如朱子所云。子初四刻者哉。○魯齋彭氏曰。西山此章所述。禮記月令章句。蔡邕說也。如邕所云。則是爲十二月律。布室內十二辰。若其月氣至。則辰之管。灰飛而管空也。然則十二管各當其辰。斜埋地下。入地處庫出地處高。故云內卑外高。黃鐘之管。埋於子位。上頭向南。以外諸管。推之可悉知。又律書云。以河內葭莩爲灰。宜陽金門山管爲律。熊氏云。灰實律管。以羅穀覆之。氣至則吹灰動穀矣。又長樂陳氏曰。候氣之法。造室三重。各啓門。爲門之位。外之以子。中之以午。內復以子。揚子所謂九閉之中也。蓋布緹縵室中。上圓下方。依辰位埋律管。使其端與地齊。而以薄紗覆之。中秋白露降。採葭莩爲灰。加管端以候。氣至。灰去爲氣所

動者次散爲物所動者其次聚。○炬按此章言以木爲按云云。則似是按之形內卑外高。而各以律斜倚於按上也。但地中之陽自下而及上。惟埋管地中。故長者能先得氣。所謂黃鐘者。陽氣踵黃泉而出也。若倚管按上。則恐短者當先吐灰。而長者反後矣。及觀其下言每律升若干分釐。則是氣自下升。又確是埋管地中。而非倚管按上也。意者律欲斜埋。恐易傾側。故倚以木按。按亦斜埋地中者邪。又意以管候氣。得氣只因長短而有遲早。不在方位。若以方位論。則室中之子位。豈不卽室北者之午位邪。此但以十二管應十二月。於一室中。則方位自當依辰布置耳。然則斜埋之說。似不若長樂陳氏使管端與地齊之說爲當。蓋直埋其管。使管端與地齊。則九寸之管入地深而先得氣。宜矣。至於實灰之說。蔡氏云。以葭灰實其端。覆以緹素。是實灰。

管中。而以素覆之也。陳氏先云以薄紗覆之。而後言以灰加管端。則似是以紗覆空管。而加灰紗上矣。此宜以蔡說爲長。蓋陽氣自下而上。冒故灰之在管中者。以觸而上。長者先得。若加灰管端。則又短者致氣易。而長者致氣宜遲矣。又灰飛動。穀彭言氣至則灰飛。而管空。熊云氣至則吹灰動。穀二說亦稍異。竊謂當是氣至而灰始吹耳。其有遲速。則所謂大動不動。非生氣之和也。顧此之是非同異。難以空言求據。必親試之。而後可知其實。則合上數說而各試爲之。以求其真是焉。可也。


附

候

氣



密室圖



問造律候氣。古有成法。但要得候氣有驗。又須推歷不差方可。而今歷古歷有不同處。古歷節氣有定。大約十五日五時有奇。而交一節氣。今用西洋人術。疎者或十五日八時。而交一節氣。促者或十四日十時。遂交一節氣。造律候氣。未知其當與古歷應邪。抑與今歷應邪。曰。西人推歷。却甚是精密。蓋天度有遠近狹濶。故日行亦有遲速。南陸近下。故度狹。北陸遠下。故度寬。此亦以視有遠近而有差也。是以日行有空度。有共度。而交節氣亦有遲促矣。推歷之節氣主於日。兩開之。陽氣皆本於口。律管飛灰者。陽氣之至也。然則以律候氣。其當與今歷應無疑也。曰。西學自明季始入中國。然則未有西歷之先。古人所謂灰飛應候者。抑又何邪。曰。西學歷法。亦非始自西域。在古唐虞三代之盛。想見歷法甚精。朱子謂後世失之是也。蓋失之自周之衰始。



後世歷家。雖日出日精。然終未盡復古人之舊。而魏晉以後。律呂散亡。隋人造律候氣。終多不合。宋人議論雖富。律呂迄無成驗。是則飛灰應候之事。漢唐以下。雖言之。未必真及見之。即使見之。亦非能相應而無失者也。曰。然則今之西歷。其可必其相應而無失與。曰。又看造律何如。要之以相應而後可據。但猶有非一端所可盡者。古人造律。應是以汴洛之間爲土中。而據之爲斷。否則東西南北。有經緯入度不同。而交節氣有遲早。而地勢之陰陽燥溼高下不同。則其氣隨地而變。又有恒煖恒寒之異。土卑而薄。陽至常先。地厚而高。陽至常後。誠不可以一例定也。今欲候氣定律。似仍當於嵩岳左右。或汴宋間。當子午經度處爲準。蓋此處正當赤道北三十六度。居中和一帶之中。陰陽之氣爲不偏。古人所指爲土中者也。然使寒暑不時。陰陽失職。

如或冬而震電夏而氷雹則灰飛又未必應候  
當不止大動小動不動數端之徵而已也隋所  
造律本不足準而隋文之政尤爲叢脞失常牛  
宏所對猛氣衰氣之言本屬正論而未能究其  
本原至反爲時君強辭所屈耳是故脩德以召  
天和尤爲作樂之大本卽九峯所謂一天人而  
贊化育者其庶幾焉而或者不察乎此則疑候  
氣灰飛之說爲未必然因并疑三分損益之說  
爲未可據乃欲別求律呂  
於憑虛之數焉不亦惑乎

審度第十一

度者分寸尺丈引所以度長短也生於黃鐘之長以  
子穀秬黍中者九十枚度之一爲一分凡黍實於管中則十三黍

三分黍之一而滿一分。積九十分則千有二百黍矣。故此九十黍之數。與下章千二百黍之數其實一也。十分爲寸。十寸爲尺。十尺爲丈。十丈爲引。數始於一。終於十者。天地之全數也。律未成之前。有是數而未見。律成而後。數始得以形焉。度之成在律之後。度之數在律之前。故律之長短圍徑以度之寸分之數而定焉。

此章寸分之數。乃以十爲法。所以起度也。數也者。理氣流行之節次也。氣之一伸一屈。對待流行。雖不可得而見。而自有一個自然之節度。默寓於不可覩聞之中。及夫形象既顯。而數亦

以見焉。數既可見。則足以爲形象之紀。而百度可由是推矣。此數之所以成變化而行鬼神也。以律呂言。則律化而呂三分損一。鬼之屈也。呂變而律三分益一。神之伸也。又自子至巳。皆陽之伸。而自午至亥。皆陰之屈也。分之以九。所以爲損益相生之變。數以奇行也。成之以十。所以定長短圓徑之實。數以耦定也。律未成。則數未可見。數已著。則律又可以耦定也。律未成。則數未度。因日之行而有度。日非有分。因日之長短而分。分然。度定而天之行有次可稽。日分分而日之短長有數可紀。誠以數之行也。有出乎理之自然。而非人力所能及者也。顧自後世而律度已亡。自然之數既無可考。則本然之理與當然之象器亦無可憑。律呂因茫無可考矣。及律度已無可據。而後專欲以累黍求之。抑知累黍之法。不過由律成之後。乃藉斯數以起度量權衡。

耳。不足以斯為據也。又或者并不講求古法。而自用師心。如房庶益班志之字。漢津承律書之訛。徽宗以三指約三寸之長。李文利黃積慶且以三寸九分為黃鐘之律。是不且欺天而妄作之甚乎。君子可無深察與。

### 嘉量第十二

量者。龠、合、升、斗、斛。所以量多少也。生於黃鐘之容。以子穀秬黍中者一千二百實其龠。以井水準其粟。以度數審其容。一龠積八合。龠為合。兩龠也。積一千十合為升。二十龠也。積一十升為斗。二百龠也。積十十萬六千二百分。六萬二千分。

斗爲斛。

二千合。千合。百升也。積一百六十二萬分。

此由積八百一十方分者以起量也。一合之容一千二百黍。則一合二千四百黍。一升容二萬四千黍。一斗容二十四萬黍。一斛容二百四十萬黍矣。然以黍實其合而必以井水準其繁以度數審其容者亦誠以黍之大小秬粟或不足準故也。

謹權衡第十三

權衡者。銖兩斤鈞石。所以權輕重也。生於黃鐘之重。以子穀秬黍中者一千二百實其合。百黍一銖。一合十二銖。二十四銖爲一兩。兩合也。十六兩爲一斤。三十合也。

三百八十四銖。三十斤爲鈞。九百六十銖。一萬一千五百四鈞。爲石。三千八百四十銖。一千九百二十兩。口。

此因一龠所容之重以起權衡也。兩龠二千四百黍。一斤則三萬八千四百黍。爲一升。六合。一鈞則一百一十五萬二千黍。爲四斗。八升。一石則四百六十萬有八千黍。爲十九斗二升。○古之度量權衡如此。蓋比今爲甚小也。然古者律度存於王府。天子以時巡狩方嶽。則合諸侯之國之度量權衡而審同之。故天下之度量權衡畫然齊一。是王者之大政。而寡民過之大端也。後世無時巡之典。而民間之度量權衡得以私爲大小輕重。以相欺陵。迄乎律度盡亡。則在官之度量權衡亦且無從取正矣。隋文帝始易古法。以古斗之三升爲一升。以古稱之三斤爲一

斤以一日二寸爲一尺。以此之秬黍多寡參考之。則今日在官之尺。稱升斗。蓋依然隋法也。若民間。則百家異稱。百里異量。而亦莫之問矣。唐貞觀中。猶存有古稱尺。而其後又失之。夫古之度量。且盡失矣。而欲徒以區區累黍求爲律呂也。何可得與。夫黃鐘爲萬事根本。度以起量。量以取衡。衡運生規。規周成圓。折圓生矩。矩正成方。垂權生繩。垂繩成直。平衡生槩。槩以定平。天下法度之宗。孰有大於此者。而經生乃視之爲迂圖也。何哉。

樂經律呂通解卷之二 終